



Број: **05/7-50-13-987-3/13**

Сарајево, 8.11.2013.

Z A P I S N I K

3. sjednice Vijeća nacionalnih manjina BiH, održane 8.11.2013.

Sjednica je počela u 12,00 sati.

Sjednicom je predsjedavao Tihomir Knežiček, predsjedavajući Vijeća nacionalnih manjina BiH.

Sjednici su prisustvovali članovi Vijeća nacionalnih manjina BiH: Andrija Svatok, Nada Putica, Nedžad Jusić, Jovanka Manžalović-Šalaka, Halil Bicađ, Eva Pašić-Juhas, Hakan Varan, Marija Grbić, Vjeročka Gajić, Todorka Jovanović, Velibor Kuvač, Dejan Piotrovski, Silvija Vujović, Mladen Radmilović i Tijana Vučurević.

Sjednici, iz opravdanih razloga, nije prisustvovao Jakob Finci.

Sjednici su, također, prisustvovali: Zoran Brkić, Sektor za odnose s javnošću Sekretarijata PSBiH, Emina Jahić, sekretar Zajedničke komisije za ljudska prava, prava djeteta, mlade, imigraciju, izbjeglice, azil i etiku, Branislava Vignjević, stručna savjetnica, i Anđelka Dobrilović-Rajak, stručna saradnica u Zajedničkoj komisiji.

Predsjedavajući Vijeća nacionalnih manjina BiH Tihomir Knežiček otvorio je raspravu o predloženom dnevnom redu. U raspravi su sudjelovali: Tihomir Knežiček, Emina Jahić sekretar Zajedničke komisije za ljudska prava, prava djeteta, mlade, imigraciju, izbjeglice, azil i etiku, Jovanka Manžalović Šalaka, Hakan Varan i Nedžad Jusić.

Nakon rasprave članovi Vijeća nacionalnih manjina BiH **jednoglasno su** usvojili izmjenjeni

DNEVNI RED

1. Usvajanje Zapisnika 2. sjednice Vijeća nacionalnih manjina BiH;
2. Razmatranje Prijedloga poslovnika Vijeća nacionalnih manjina BiH;
3. Razmatranje Prijedloga izmjene i dopune Odluke o osnivanju Vijeća nacionalnih manjina Bosne i Hercegovine ("Službeni glasnik BiH", br. 38/06, 93/08 i 53/09);
4. Izvještaj o radu Vijeća nacionalnih manjina BiH u tehničkom mandatu;
5. Razmatranje trajanja mandata predstavnika crnogorske nacionalne manjine na osnovu Odluke o imenovanju članova Vijeća nacionalnih manjina ("Službeni glasnik BiH", br. 60/13);
6. Razmatranje žalbe pripadnika crnogorske nacionalne manjine iz Breze;
7. Razno.

Ad.1. Usvajanje Zapisnika 2. sjednice Vijeća nacionalnih manjina BiH

Vijeće nacionalnih manjina BiH **jednoglasno** je usvojilo Zapisnik 2. sjednice.

Ad.2. Razmatranje Prijedloga poslovnika Vijeća nacionalnih manjina BiH

Predsjedavajući Vijeća nacionalnih manjina BiH Tihomir Knežiček otvorio je raspravu o ovoj tački dnevnog reda. U raspravi su sudjelovali: Tihomir Knežiček, Emina Jahić, sekretar Zajedničke komisije za ljudska prava, prava djeteta, mlade, imigraciju, izbjeglice, azil i etiku, (u daljnjem tekstu: Zajednička komisija), Nada Putica, Nedžad Jusić i Mladen Radmilović.

Emina Jahić, sekretar Zajedničke komisije, obavjestila je članove Vijeća nacionalnih manjina BiH, da je izvršena korekcija teksta Prijedlog poslovnika Vijeća nacionalnih manjina BiH. Takođe je naglasila da je Prijedlog poslovnika prije upućivanja u parlamentarnu proceduru usklađen sa normativno pravnim aktima i Jedinim pravilima o izradi pravnih propisa.

Vijeće nacionalnih manjina BiH **jednoglasno** je usvojilo Prijedlog poslovnika Vijeća nacionalnih manjina BiH sa dopunom da se u članu 21. stav 3. dodaju riječi „ i suzdržan“.

Ad.3. Razmatranje Prijedloga izmjene i dopune Odluke o osnivanju Vijeća nacionalnih manjina Bosne i Hercegovine ("Službeni glasnik BiH", br. 38/06, 93/08 i 53/09)

Predsjedavajući Vijeća nacionalnih manjina BiH Tihomir Knežiček otvorio je raspravu o ovoj tački dnevnog reda. U raspravi su sudjelovali: Tihomir Knežiček, Tijana Vučurević, Emina Jahić, sekretar Zajedničke komisije, Hakan Varan, Nada Putica, Halil Bicaj, Nedžad Jusić, Vjeročka Gajić, Silvija Vujović, Marija Grbić, Dejan Piotrovski i Andrija Svatok.

Vijeće nacionalnih manjina BiH usvojilo je sljedeće zaključke:

- Vijeće nacionalnih manjina BiH predlaže Zajedničkoj komisiji za ljudska prava, prava djeteta, mlade, imigraciju, izbjeglice, azil i etiku da uputi u parlamentarnu proceduru Prijedlog izmjene i dopune Odluke o osnivanju Vijeća nacionalnih manjina Bosne i Hercegovine ("Službeni glasnik BiH", br. 38/06, 93/08 i 53/09) sa sljedećim izmjenama:

U članu 7. stav (1) Odluke o osnivanju Vijeća nacionalnih manjina Bosne i Hercegovine ("Službeni glasnik BiH", br. 38/06, 93/08 i 53/09) brišu se riječi: "i prati mandat izabranih članova Parlamentarne skupštine Bosne i Hercegovine", a dodaju „ od dana konstituisanja Vijeća nacionalnih manjina Bosne i Hercegovine“.

Iza stava (1) dodaju se novi stavovi koji glase:

Stav (2) : „četvorogodišnji mandat članova Vijeća nacionalnih manjina Bosne i Hercegovine je nedjeljiv i nedjeljivost mandata važi za sve nacionalne manjine“.

Stav (3) : „jedan izabrani predstavnik nacionalne manjine u Vijeća nacionalnih manjina Bosne i Hercegovine, može biti član Vijeća nacionalnih manjina Bosne i Hercegovine najviše dva uzastopna mandata“.

Dosadašnji stav (2) Odluke o osnivanju Vijeća nacionalnih manjina Bosne i Hercegovine postaje stav (4).

Ad.4. Izvještaj o radu Vijeća nacionalnih manjina BiH u tehničkom mandatu

Predsjedavajući Vijeća nacionalnih manjina BiH Tihomir Knežiček otvorio je raspravu o ovoj tački dnevnog reda. U raspravi su sudjelovali: Tihomir Knežiček i Emina Jahić, sekretar Zajedničke komisije.

Članovi Vijeća nacionalnih manjina BiH prihvatili su sugestiju Emine Jahić, sekretara Zajedničke komisije da Izvještaj o radu Vijeća nacionalnih manjina BiH u tehničkom mandatu bude prilog godišnjem Izvještaju o radu Vijeća nacionalnih manjina BiH a koji će se raditi za tekući mandat Vijeća nacionalnih manjina BiH, od dana 18.9.2013. godine i koji će nakon toga biti upućen na razmatranje Parlamentarnoj skupštini BiH.

Vijeće nacionalnih manjina BiH je sa **petnaest glasova „za“ i jednim „suzdržanim“ glasom** usvojilo **Izvještaj o radu Vijeća nacionalnih manjina BiH u tehničkom mandatu** sa prijedlogom da isti bude proslijeđen na znanje Zajedničkoj komisiji za ljudska prava, prava djeteta, mlade, imigraciju, izbjeglice, azil i etiku.

Ad.5. Razmatranje trajanja mandata predstavnika crnogorske nacionalne manjine na osnovu Odluke o imenovanju članova Vijeća nacionalnih manjina ("Službeni glasnik BiH", br. 60/13)

Predsjedavajući Vijeća nacionalnih manjina BiH Tihomir Knežiček otvorio je raspravu o ovoj tački dnevnog reda. U raspravi su sudjelovali: Tihomir Knežiček, Hakan Varan, Eva Pašić Juhas, Nedžad Jusić, Nada Putica, Tijana Vučurević, Jovanka Manžalović Šalaka, Todorka Jovanović, Emina Jahić, sekretar Zajedničke komisije i Dejan Piotrovski.

Vijeće nacionalnih manjina BiH **jednoglasno** je usvojilo sljedeći zaključak:

Vijeće nacionalnih manjina BiH predlaže Zajedničkoj komisiji za ljudska prava, prava djeteta, mlade, imigraciju, izbjeglice, azil i etiku da se Prijedlog izmjene i dopune Odluke o imenovanju članova Vijeća nacionalnih manjina ("Službeni glasnik BiH", br. 60/13) a koja se odnosi na izmjenu trajanja mandata pripadnika crnogorske nacionalne manjine, uputi u parlamentarnu proceduru, uz napomenu da je stav Vijeća nacionalnih manjina BiH da je mandat članova Vijeća nacionalnih manjina Bosne i Hercegovine nedjeljiv i da nedjeljivost mandata treba da važi za sve nacionalne manjine.

Ad.6. Razmatranje žalbe pripadnika crnogorske nacionalne manjine iz Breze

Predsjedavajući Vijeća nacionalnih manjina BiH Tihomir Knežiček otvorio je raspravu o ovoj tački dnevnog reda. U raspravi su sudjelovali: Tihomir Knežiček, Nedžad Jusić, Dejan Piotrovski, Velibor Kuvač, Marija Grbić, Todorka Jovanović, Andrija Svatok, Nada Putica, Mladen Radmilović i Halil Bicaj.

Vijeće nacionalnih manjina BiH **jednoglasno** je usvojilo sljedeće zaključke:

- S obzirom da Vijeće nacionalnih manjina BiH nema nadležnost za razmatranje pritužbi i žalbi od strane građana, donesena je odluka da se predstavka porodice Dijaković iz Breze proslijedi na razmatranje Zajedničkoj komisiji za ljudska prava, prava djeteta, mlade, imigraciju, izbjeglice, azil i etiku, s obzirom da se navedeni žale na kršenje ljudskih prava te da se o tome obavjesti porodicu Dijaković,
- Vijeće nacionalnih manjina BiH će u narednom periodu uputiti izjavu za javnost u kojoj će se ukazati na problem kršenja ljudskih prava i osnovnih sloboda pripadnika nacionalnih manjina u BiH.

Ad.7. Razno

Predsjedavajući Vijeća nacionalnih manjina BiH Tihomir Knežiček otvorio je raspravu o ovoj tački dnevnog reda. U okviru ove tačke dnevnog reda članovi Vijeća nacionalnih manjina BiH raspravljali su o više različitih tema. U raspravi su sudjelovali: Tihomir Knežiček, Velibor Kuvač, Nedžad Jusić, Nada Putica, Jovanka Manžalović Šalaka, Halil Bicaj, Todorka Jovanović, Andrija Svatok, Eva Pašić Juhas i Marija Grbić.

- a. Velibor Kuvač upoznao je članove Vijeća nacionalnih manjina BiH da je Davor Ebner predstavnik austrijske nacionalne manjine, podnio tužbu pred Općinskim sudom u Sarajevu protiv Parlamentarne skupštine BiH.
- b. Vijeće nacionalnih manjina BiH podržava inicijativu Tomašević Neđeljka koja se odnosi na usklađivanje Zakona o zaštiti prava pripadnika nacionalnih manjina BiH sa Izbornim zakonom BiH te predlaže gospodinu Tomašević Neđeljku da dostavi konkretne prijedloge koji se odnose na usklađivanje Zakona o zaštiti prava pripadnika nacionalnih manjina BiH sa Izbornim zakonom BiH.

- c. Vijeće nacionalnih manjina BiH podržalo je prijedlog Nedžada Jusića da svaki član Vijeća pripremi izvještaj o trenutnom stanju i položaju nacionalne manjine koju predstavlja. Detalji o metodologiji izrade finalnog izvještaja, koji će biti upućen Parlamentarnoj skupštini BiH, biće dogovoreni na narednim sjednicama Vijeća.

Sjednica Vijeća nacionalnih manjina BiH završena je u 14,30 sati.

Sastavni dio ovog zapisnika je tonski snimak 3. sjednice Vijeća nacionalnih manjina BiH.

Predsjedavajući Vijeća nacionalnih manjina BiH

Prof. dr. Tihomir Knežiček